

رسم الفرخ فوق الوشوش

رسم الفرخ فوق الوشوش
مش سهل يابا متلومنيش
حبس الدموع جوا الجفون
مش سهل يابا متلومنيش
السما لما تفيض بيها الهموم
تلقى الغيوم نزلت مطر
زى الدموع لما تسيل
فوق الخدود قطر قطر
زى الورود لما العطش
ياكل جمالها وحسنها

تنشف تقع كسر كسر
وانا عمرى يابا م شوفت فرح فى دنيتى
غير الهموم والحزن كانوا قسمتى
النيل حدانا اصبح قسى
واللقمة صعبة وبالتراب متغمسة
وتقولى ادحك !!!!!!!!!!!!!!!!!!!!!
إزای يابوى ؟؟؟؟؟؟؟؟؟؟؟؟؟؟؟؟؟؟؟؟؟
وادى شالك انت مليون بقع
حبة تعب حبة اهات حبة وجع
حبة سنين ويا السكات من غير شبع
حبة لىالى مضلمة
فوق جلبيتك زى الرقع
وتقولى ادحك !!!!!!!!!!!!!!!!!!!!!

إزای یابوی ؟؟؟؟؟؟؟؟؟؟؟؟؟؟؟؟؟؟؟؟؟؟؟

وادی اخویا بتحرمه م المدرسة

م الشنطة والكراسة والقلم

من وقفته فی ارض الطابور

یحیی العلم

وتقولى ادحك !!!!!!!!!!!!!!!!!!!!!

إزای یابوی ؟؟؟؟؟؟؟؟؟؟؟؟؟؟؟؟؟؟؟؟؟؟؟

واختی زینات لساك مأجل عرسها

مع إنها زينة البنات ومفیش حد زیها

بس الجهاز خلی الجواز بقی مستحیل

وعریسها یهرب منها

وتقولى ادحك !!!!!!!!!!!!!!!!!!!!!

إزای یابوی ؟؟؟؟؟؟؟؟؟؟؟؟؟؟؟؟؟؟؟؟؟؟؟

وادی أعی راقدة م المرض
مرض السنین من غیر غطی
نسمع انین من غیر شکی
ونشوف دموع من غیر بکی
وتقولی ادحک !!!!!!!!!!!!!!!!!!!!!
إزای یابوی ؟؟؟؟؟؟؟؟؟؟؟؟؟؟؟؟؟؟؟؟؟